



Criteria da promoziun e modalitads per inoltrer dumandas da sustegn a la Cumischiun per promover la cultura

- A.** Premissas (cumulativas) per survgnir üna contribuziun da sustegn sun impustüt, ch'ün proget
1. hegia üna relaziun evidainta cun la Regiun Malögia;
 2. saja d'interess regiunel;
 3. saja publicamaing accessibel per tauntas differentas gruppas da populaziun scu pussibel;
 4. vegna finanzia cun agüd adequat d'oters sponsuors publics e/u privats, impustüt tres las vschinaunchas da la regiun scu eir tres l'organisatur/a svessa.
- B.** Promovieus vegnan impustüt progets culturels chi promovan resp. rinforzan l'access a la cultura, la perscrutaziun da la cultura, il barat culturel scu eir l'intermediaziun da cultura. A nu vegnan concessas üngünas contribuziuns da püs ans. Progets chi haun in prüma lingia ün'orientaziun turistica nu vegnan sustgnieus.
- C.** Dumandas da sustegn stögljan gnir inoltradas in scrit, scha pussibel per e-mail, e vegnan trattadas illa successiun da lur entreda. In princip vela scu termin d'inoltraziun ils 30 gün da l'an precedaint (l'an aunz la realisaziun). Dumandas da sustegn per progets pü pitschens chi nu's repetan paun eir gnir inoltradas a pü cuort termin, ma fin a maximelmaing quatter mais aunz la realisaziun. Dumandas inoltradas memma tard nu paun gnir trattadas.
- D.** Üna dumanda da sustegn stu cuntgnair impustüt:
1. üna descripiun dal proget chi preschainta il cuntgnieu e demuossa la stretta relaziun dal proget cun la regiun;
 2. infurmaziuns davart ils purteders e davart las personas respunsablas per la realisaziun;
 3. indicaziun exacta da la contribuziun da sustegn giavüscheda;
 4. preventiv detaglio dal proget cun las expensas ed entredgias previsas;
 5. plan da finanziaziun cun indicaziuns exactas d'ulteriurs adressats da dumandas per contribuziuns (vschinaunchas, fundaziuns, intrapraisas, personas privatas eui.) incl. l'indicaziun da l'otezza da la contribuziun dumandada scu eir da las contribuziuns già garantidas;
 6. in cas d'occurrentas: indicaziun davart il numer d'occurrentas e davart ils lös da realisaziun
 7. in cas da contribuziuns per publicaziuns: manuscrit da stampa u – in cas da texts voluminus – üna tscherna rapreschantativa da chapitels incl. introducziun e register dal cuntgnieu;
 8. in cas da contribuziuns ad ouvras artisticas: indicaziuns dal cuntgnieu davart las etappas da l'elavuraziun scu eir ün plan da termins.
- Indicaziuns chi maunchan haun ün effet negativ sün la valütaziun da la dumanda.

- E.** La cumischiun per promover la cultura po metter cundiziuns per las contribuziuns e po eir metter scu cundiziuns per contribuziuns cha vegnan observos ils termins, cha las pretaisas da la cumischiun vegnan resguardadas e cha que detta prestaziuns adequatas da las personas chi survegnan las contribuziuns. In cas cha cundiziuns u resalvas nu vegnan observedas, po gnir refüsedas üna contribuziun u po gnir pretaisa la restituziun cumpletta u parziela da contribuziuns già pajedas.
- F.** Al mumaint cha'l proget es glivro haun las personas chi survegnan las contribuziuns da der pled e fat in ün cuort rapport finel (in cas da publicaziuns cun la quantited giavüscheda d'exemplers d'autur) scu eir cun ün quint finel davart l'utilisaziun dals mezs, davart lur adöver efficiaint e davart l'effet raggiunt. L'inoltraziun spontana dal rapport finel, incl. il quint finel, es üna cundiziun per cha ulteriuras dumandas da sustegn vegnan insomma trattadas.

Ulteriurs detagls as chatta i'l reglamaint d'organisaziun sün la [pagina d'internet da la promoziun da la cultura](#).